

**Oqaaseqaatit nalinginnaasut****1. Aallaqqaasiut**

Suliffeqarfinnik tunniussisoqartillugu sulisut inatsisitigut inissisimanerat pillugu Inatsisartut peqqussutaat nr. 7, 5. december 2008-meersoq pingaarnertigut suliassaqarfinnik tunniussisoqartarneranut atatillugu sulisoqarnermut tunngasutigut apeqqutit aalajangersimasut pillugit inatsit aallaavigalugu suliaavoq. Tamanna peqqussummi nalinginnaasumik nassuiaatini, immikkoortoq 2-mi, qupperneq 2-mi takuneqarsinnaavoq.

Kalaallit Nunaanni namminersorneq pillugu Kalaallit danskillu namminersorneq pillugu ataatsimiititaliarsuata isumaliutissiissutaani nr. 1497-imi Namminersorlutik Oqartussat suliassa-qarfinnik tigusinerannut atatillugu sulisoqarnermut tunngasut apeqqutit aalajangersimasut pillugit inatsisissamut missingiuusiami nassaarineqarsinnaapput. Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsit nr. 463, 12. juni 2009-meersoq 2009-mi akuerineqarpoq. Inatsit taamaalilluni namminersorneq pillugu inatsisip suliarineranut atatillugu piareersarneqarpoq. Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsimmi § 2, imm. 1 aamma 2-mit takuneqarsinnaavoq Namminersorlutik Oqartussat suliassaqarfinnik tigusinerannut atatillugu sulisunik tjenestemanditut atorfeqartitaanngitsunik tigusaqartillugit suliffeqarfinnik tunniussisoqartillugu sulisut inatsisitigut inissisimanerat pillugu inatsit malillugu pisussaaffiit pisinnaatitaaffiillu taamaaqataanik atorneqarnissaat Namminersorlutik Oqartussanit qulakkeerneqassasut.

Peqqussummiipput namminersorneq pillugu ataatsimiititaliarsuup isumaliutissiissutaani aamma Namminersorlutik Oqartussat suliassaqarfinnik tigusineranni suliffeqarfinnik tunniussisoqartillugu sulisut inatsisitigut inissisimanerat pillugu inatsimmi maleruagassat pineqartut, Namminersorlutik Oqartussat suliassaqarfinnik tigusineranni atuuttariaqartut.

Taamaattorli Namminersorlutik Oqartussat suliassaqarfinnik tigusinerannut atatillugu peqqus-sut atorneqassasoq peqqussummi aalajangersagaqanngilaq. Tamanna pissusissamisoorpoq, tassa peqqussut Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsisip akuerineqarnera siornaneersuummat.

Peqqussummi Kalaallit Nunaanni Namminersorlutik Oqartussat suliassaqarfinnik

tigusinerannut atatillugu sulisoqarnermut tunngasutigut apeqqutit aalajangersimasut pillugit inatsimmut innersuussisoqanngilaq.

Tamanna peqqussummi maleruagassat Namminersorlutik Oqartussat suliassa qarfinnik tiguserannut atatillugu sulisunut tjenestemanditut atorfeqartitaanngitsunut tiguneqartunut atorneqassanersut nalornilernermik pilersitsisimavoq.

Allannguutissatut siunnersuutip matuma erseqqissassavaa peqqusut Kalaallit Nunaanni Namminersorlutik Oqartussat suliassa qarfinnik tiguserannut atatillugu sulisoqarnermut tunngasutigut apeqqutit aalajangersimasut pillugit inatsimmut ilaasuni suliassanut atorneqarsinnaasoq. Tamanna Kalaallit Nunaanni namminersorneq pillugu Namminersorneq pillugu ataatsimiititaliarsuup isumaliutissiissutaani nr. 1497-imi isummanut oqaatigineqartunut naapertuuppoq, pingaartumik kapitali 11 aamma 14-imi. Tamanna aamma Kalaallit Nunaanni Namminersorlutik Oqartussat suliassa qarfinnik tiguserannut atatillugu sulisoqarnermut tunngasutigut apeqqutit aalajangersimasut pillugit inatsimmi siunertamut naapertuuppoq.

Allannguutissatut siunnersuut, Namminersorlutik Oqartussat suliassa qarfinnik tiguserannut atatillugu, tjenestemanditut atorfeqartitaanngitsunut sulisunut inatsisitigut inissisimanerat qulakkeerinnillunilu erseqqissaavoq.

Sulisut inatsisitigut inissisimanerannut tunngatillugu erseqqissaanerup namminersorneq pillugu inatsit malillugu suliassa qarfinnik siunissami tiguserit naammassineqarneranni sulineq oqinnerulersissavaa.

## **2. Siunnersuummi immikkoortut pingaernerit**

§ 1, imm. 5-imi erseqqissarneqarpoq Namminersorlutik Oqartussat suliassa qarfinnik tiguseritillugit, inatsisartut peqqusutaat sulisunut tjenestemanditut atorfeqartitaanngitsunut tiguneqartunut atorneqassasoq. Aalajangersakkami nutaami taamaalilluni suliassa qarfinnik tiguserarnerani sulisut pisinnaatitaaffii pillugit erseqqissaasoqarpoq.

§ 1, imm. 5, Namminersorlutik Oqartussat Danmarkimiit suliassa qarfinnik tiguserannut atatillugu sulisunik tiguserarnerata kingunerisaanik oqartussanik nutaanik pilersitsisoqartoq, aamma manna tikillugu immikkoortumut pineqartumut akisussaasimasumik danskini oqartussanik atorunnaarsitsisoqartoq. Taamatut pisoqarneranut assersuutitut eqqaaneqarsinnaavoq politiit siunissami kalaallinit tiguneqarnissaat.

§ 1, imm. 2, naggatip aappaata naanerani ”taamaattorli takuuk.” ilanngussineq pisariaqartutut isigineqarsimavoq taamaangippat § 1, imm. 2 § 1, imm. 5-imut akerliusutut atuarneqarsinnaammat.

<b>Inatsisissatut siunnersuutip inatsisartut peqqussutaannut atuuttumut assersuunneqarnera</b>	
<i>Oqaasertaliussat atuuttut</i>	<i>Inatsisissatut siunnersuut</i>
	<b>§ 1</b>  Suliffeqarfinnik tunniussisoqartillugu sulisut inatsisitigut inissisimanerat pillugu Inatsisartut peqqussutaanni nr. 7, 5. december 2008-meersumi imatut allannguisoqarpoq:
<i>Imm. 2.</i> Inatsisartut peqqussutaat pisortat aamma namminersortut suliffeqarfiutaannut aningaasaqarnikkut ingerlatsiviusunut atuuppoq, apeqqutaanani ingerlatsiviusut aningaasaqarnikkut iluanaaruteqarnissamik angusaqarniarluni ingerlanneqartuunersut. Pisortat aqutsiveqarnikkut oqartussaaffiinek nutaamik aaqqissuusseqqinnerit imaluunniit pisortat aqutsiveqarnikkut oqartussaaffiisa akornanni aqutsiveqarnikkut suliaasartunik nuussinerit peqqussut malillugu tunisinerussanngillat.	<b>1.</b> § 1, imm. 2, imatut oqaasertalerneqarpoq: ” Imm. 2 Inatsisartut peqqussutaat pisortat aamma namminersortut suliffeqarfiutaannut aningaasaqarnikkut ingerlatsiviusunut atuuppoq, apeqqutaanani ingerlatsiviusut aningaasaqarnikkut iluanaaruteqarnissamik angusaqarniarluni ingerlanneqartuunersut. Pisortat aqutsiveqarnikkut oqartussaaffiinek nutaamik aaqqissuusseqqinnerit imaluunniit pisortat aqutsiveqarnikkut oqartussaaffiisa akornanni aqutsiveqarnikkut suliaasartunik nuussinerit peqqussut malillugu tunisinerussanngillat, taamaattorli takuuk imm. 5.”
	<b>2.</b> § 1 imm. 4-p kingorna immikkoortutut nutaatut ikkunneqarpoq: ” Imm. 5. Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit Inatsimmi § 2-mi, imm. 1-imi apeqqutinut sulisoqarnermut tunngasunut inatsisartut peqqussutaat atuuttuuvoq.”

## § 2

Inatsisartut inatsisaat ulloq 1. juli 2017-imi atuutilissaaq.

### **3. Aningaasaqarnikkut allaffissornikkullu pisortanut kingunissai**

Pisortanut aningaasatigut imaluunniit allaffissornikkut kinguneqarnissaa naatsorsuutigineqanngilaq. Allanguutissatut siunnersuut taamaalilluni manna tikillugu inatsisitut atuuttutut isigineqartunut erseqqissaaneruvoq. Allanguutissatut siunnersuut pisortanut annertunerusumik aningaasartuuteqarnermik imaluunniit allaffissornikkut annertunerusumik aningaa-sartuuteqarnermik kinguneqassanngilaq.

### **4. Aningaasaqarnikkut allaffissornikkullu inuussutissarsiortunut kingunissai**

Inuussutissarsiortunut aningaasatigut imaluunniit allaffissornikkut sunniteqarnerlunnissaa naatsorsuutigineqanngilaq.

### **5. Avatangiisinut, pinngortitamut inuillu peqqissusiannut kingunissai**

Siunnersuut avatangiisinut, pinngortitamut inuilluunniit peqqissusiannut kinguneqassanngilaq.

### **6. Innuttaasunut kingunissai**

Inatsisit atuuttut erseqqissarnerisigut Namminersorlutik Oqartussat suliassaqarfinnik tigusi-nerannut atasumik Namminersorlutik Oqartussani atorfeqalerunik innuttaasut eqqorneqartut pisinnaatitaaffiit pisussaaffiillu suut atuunnersut paasisaqarfigissavaat.

### **7. Kingunissat allat annertuut**

Siunnersuut pingaarutilinnik allanik kinguneqartitsinngilaq.

### **8 Oqartussanik kattuffinnillu il.il. tusarniaaneq**

Siunnersuut piffissami 19. juni 2016-imiit 18. juli 2016-imut Namminersorlutik Oqartussat tusarniaanerit pillugit nittartagaanni tamanut saqqummiunneqarsimavoq.

Siunnersuullu aamma pisorta qarfinni, kattuffinni allanilu tusarniaassutigineqarsimavoq, ukunani:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Aatsitassanut Ikummatissanullu Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Naalakkersuisoqarfik, Ilaqutariinnermut, Naligiissitaanermut Isumaginninnermullu Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu

Naalackersuisoqarfik, Pinngortitamut, Avatangiisinut Inatsiseqarnermullu Naalackersuisoqarfik, Ineqarnermut, Sanaartornermut Attaveqarnermullu Naalackersuisoqarfik.

Tamatuma saniatigut siunnersuut ulluni 16. novembarimiit 15. december 2016-imut tusarniutigeqqinneqarluni suliffeqarfinni illuatungeriinnut kiisalu kommuninut nassiunneqarpoq: SIK, NPK, PK, IMAK, ASG, AK, Kommuneqarfik Sermersooq, Kommune Kujalleq, Qaasuitsup Kommunia, Qeqqata Kommunia. Siunnersuut siullermik tusarniaanermi nassiunneqarnermini iluseqartillugu tusarniaaqqinnermi nassiunneqarpoq.

Piffissami tassani siunnersuut Namminersorlutik Oqartussat tusarniaanermi nittartagaanni tamanut saqqummiuteqqinneqarpoq.

Siullermik tusarniaanermut aamma tusarniaaqqinnermut atatillugu tusarniaanermi akissutit tiguneqartut tulliuuttumi suliarineqarput.

Tusarniaanermi akissutit ukuninnga tiguneqarput: Aningaasaqarnermut Naalackersuisoqarfik /Aningaasaqarnermut Sulisoqarnermullu Aqutsisoqarfik, Aatsitassanut Ikummatissanullu Naalackersuisoqarfik, Ilaqutariinnermut, Naligiissitaanermut, Isumaginninnermut Inatsisinillu Atortitsinermut Naalackersuisoqarfik, Peqqissutsimut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfik, Atorfillit Kattuffiat (AK), IMAK, SIK aamma GE.

Aatsitassanut Ikummatissanullu Naalackersuisoqarfik, Ilaqutariinnermut, Naligiissitaanermut Inatsisinillu Atortitsinermut Naalackersuisoqarfik, Peqqissutsimut Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik kiisalu IMAK siunnersuummut oqaaseqaateqanngillat.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiup oqaatigaa:” *Maluginiarneqarpoq allannguinermi suliaasaqarfinnik tigusineq pineqartoq, peqatigisaanillu sulisunik tigusinermik malitseqartoq, taamaalilluni sulisitsisut nikillutik. Iluaqutaasumik tamanna pillugu nassuiaasoqarsinnaavoq. Assersuutigalugu aalajangersagaq nutaaq suliaasaqarfinnik tigusinermut naleqqiullugu atorneqassanersoq, taamalu suliffeqarfimmik sulisut ilanngullugit nuussisoqarnermoq?”.*

Tusarniaaffigineqartup oqaaseqaataa malinneqarpoq, taamaalilluni nalinginnaasumik nassuiaatini immikkoortut aappaanni § 1, imm. 5-imi, suliffeqarfinnik sulisoqartunik tigusinermik ilaqartunik suliaasaqarfinnik tigusinerni qanoq atorneqassanersoq allaaserineqarluni. Taamatut pisoqartillugu sulisut tjenestemanditut atorfeqartitaanngitsut aamma sulisitsisut

(Namminersorlutik Oqartussat) akornanni pissutsit peqqussummi maleruagassatigut malittarisassaqartinneqarlutik, takuuk § 1, imm. 5.

*Aningaasaqarnermut Naalakkersuisoqarfiup/Aningaasaqarnermut Sulisoqarnermullu Aqutsisoqarfiup siullermik oqaatigaa allannguutissatut siunnersuummut tapersersuillutik:” Aningaasaqarnermut Sulisoqarnermullu Aqutsisoqarfik isumaqarpoq suliassaqarfinnik tigusisoqarnerani suliffeqarfimmik tunniussisoqarneranut atatillugu sulisartut inatsisitigut inissisimani maannamit erseqqinnerusumik takuneqarsinnaappata tulluassasoq. Aningaasaqarnermut Sulisoqarnermullu Aqutsisoqarfik taamaalilluni allannguummut eqqarsaatigineqartumut tapersersuisinnaavoq.....”.*

*Aningaasaqarnermut Naalakkersuisoqarfik/Aningaasaqarnermut Sulisoqarnermullu Aqutsisoqarfik tusarniaanermi akissuteqarnermini Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsit pillugu siusinnerusukkut ulloq 3. juni 2016-imi oqaaseqaatigisimasaminut innersuussivoq, tassannga ilaatigut takuneqarsinnaalluni:” Aningaasaqarnermut Sulisoqarnermullu Aqutsisoqarfiulli maluginiarpaa tulluartuunngitsoq danskit inatsisaat Naalakkersuisut avaqqullugit Namminersorlutik Oqartussanut pisussaaffiliissappata, soorlu Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsimmi nr. 463 2009-meersumi § 2, imm. 2-mi taamatut ittoqartoq.”.*

Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsit Kalaallit danskillu Namminersorneq pillugu ataatsimiititaliarsuaannit namminersorneq pillugu aaqqissuussinerup ilaatut suliarineqarsimavoq. Taamaalilluni Kalaallit Nunaanni namminersorneq pillugu Kalaallit danskillu namminersorneq pillugu ataatsimiititaliarsuata isumaliutissiisutaani nr. 1497-imi, kapitali 14-imi nassaarineqarsinnaavoq Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsisissamut missingersuusisq. Kalaallit Nunaanni Namminersorlutik Oqartussat suliassaqarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsit taamaalilluni Naalakkersuisut avaqqullugu Namminersorlutik Oqartussanut peqqussuteqarnertut oqaatigisassaangilaq.

Allannguutissatut siunnersuutit suliassaqarfinnik tigusinerannut atatillugu sulisoqarnermut tunngasutigut apeqqutini pisinnaatitaaffiit pisussaaffiillu peqqussummi taamaalilluni kalaallit nunaanni inatsisini malittarisassaqartinneqarneri qulakkeerneqarput. Taamaalilluni inatsisitigut inissisimaneq taamaallaat danskit inatsisaannik malittarisassaqartinneqarnissaa pinngitsoortinneqarpoq. Aammattaaq maleruagassat sorliit atuutissanersut pillugit nalornisoqalernissaa pitsaaliorneqarpoq.

Aningaasaqarnermut Naalakkersuisoqarfik/Aningaasaqarnermut Sulisoqarnermullu Aqutsisoqarfik tusarniaanermi akissuteqarnermini suliassaqarfinnik tassungalu atasunik sulisunik tigusinermut atatillugu piffissaagallartillugu Aningaasaqarnermut Sulisoqarnermullu Aqutsisoqarfiup ilanngutitinneqarnissaa pillugu oqaaseqarpoq, ilaatigut sulisut isumaqatigiissutinik tulluannigitsunik atorfinitsinneqartarnissaat pinngitsoortinniarlugu. Aningaasaqarnermut Naalakkersuisoqarfik/Aningaasaqarnermut Sulisoqarnermullu Aqutsisoqarfiup ilaatigut oqaatigaa: *Aningaasaqarnermut Sulisoqarnermullu Aqutsisoqarfik Namminersorlutik Oqartussanut sulisunut tunngasutigut qitiusutut oqartussaammat suliassaqarfiit tiguneqarneri pillugit nalunaarummik tigusaqartassaagut. Tamatuma kingunerissavaa Aningaasaqarnermut Sulisoqarnermullu Aqutsisoqarfik suliassaqarfinnik tigusineq pillugu nalunaarummik tigusaqartarnissaa, aamma suliffeqarfinnik tunniussisoqartarneranik inatsimmi piffissaliussat (§ 4a aamma § 5 danskit kiisalu kalaallit inatsisaanni) piffissami tassanngaanniit siusinnerpaamik atuutilerlutik. Suliassaqarfiit ikaarsaartinnerinut [asa@nanog.gl](mailto:asa@nanog.gl) -imut nalunaaruteqarnissaaq tunngaviussaaq”.*

Aningaasaqarnermut Sulisoqarnermullu Aqutsisoqarfik namminersorneq pillugu inatsit malillugu suliassaqarfimmik tigusinermut atasunik sulisut tiguneqarnissaa sioqqulluarlugu ilanngutitinneqartariaqarpoq. Piffissaagallartillugu ilanngutitinneqarneq tigusinerup torersumik ingerlannissaanut iluaqutaassaaq, soorlu tamanna aamma suliassaqarfiit tiguneqartillugit taamaassimasoq.

Suliassaqarfinnik tassungalu atasunik sulisunik Namminersorlutik Oqartussat tigusineranni naatsorsuutigisariaqarpoq tigusinissap naammassinissaa sioqqutingaatsiarlugu Aningaasaqarnermut Sulisoqarnermullu Aqutsisoqarfik sulisoqarnermut tunngasunik apeqqutinut akulerunneqartassasoq. Peqqussummi § 5-imi piffissaliussat tassaapput atorfeqartut isumaqatigiissutaanni pissutsinut pissarsinermiit imaluunniit ilisimasaqalersimanissaanniit piffissamiit sapaatit akunneri tallimat. Taamaattorli tigusisoqarnerata kingorna siusinnerpaamik sapaatit akunneri pingasut.

Piffissaliussat atorfeqartut eqqarsaatigalugit aalajangersagaapput. Piffissaliussani atorfeqartut pisinnaatitaaffinnik sunik peqarnerannik nalornilersuulinnginnissaa qulakkeerneqarpoq, tassunga ilanngullugu isumaqatigiissut suna malillugu atorfinitsitsisoqarsimanersoq.

Peqqussummi piffissaliussanik qaangiinerup kingunerissanngilaa atorfeqartunit tiguneqartunit ataasiakkaanit allaanerusunik pineqartut isumaqatigiissutaannut Namminersorlutik Oqartussat akuersinerat.

Aningaasaqarnermut Naalakkersuisoqarfik/Aningaasaqarnermut Sulisoqarnermullu Aqutsisoqarfiup tusarniaanermi akissummi maluginiarpaa § 1, imm. 5-imi eqqaaneqartutut sulisut ti-

guneqartillugit Aningaasaqarnermut Sulisoqarnermullu Aqutsisoqarfiup piffissaagallartillugu ilanngutitinneqartarnissaanut pisariaqartitsisoqartoq. ”Danskit inatsisaannut (Kalaallit Nunaannut atulersinneqarsimasumi) nassuiaatini nalinginnaasuni allassimavoq ”Suliffeqarfinik tunniussisoqarnerani inatsit taakku saniatigut ilaatigut aalajangersakkanik imaqartoq, naalagaaffiup sulisut taakku pillugit isumaqatigiissutigisimasaanik isumaqatigiissutinut ataat-simoorussanut Namminersorlutik Oqartussat akuersinissaannut pingaaruteqartut. Namminersorlutik oqartussat isumaqatigiissutinut akuersinissaq kissaatiginngippassuk piffis-saliussap erseqqinnerusumik allanneqarsimasup iluani sulisut kattuffiannut pineqartumut Namminersorlutik Oqartussat nalunaaruteqartussaapput. Taamaattoqanngippat Namminersorlutik Oqartussat isumaqatigiissutinut akuersisimasutut isigineqassapput”. Nukiit suut Isumaqatigiinniartarfimmiit periarfissaassanersut siullermik inatsisilerinermut tunngasuunngillat, kisiannili naalakkersuinikkut ingerlatsinermi aningaasaqarnermut tunngasutigut apeqqutaalluni. Kisiannili inatsisit taamatut oqaasertaqartillugu pisortani sulisitsisut danskit isumaqatigiissutaannut pituttugaasussaapput, tamannalu maannakkut isumalluutit periarfissaasut eqqarsaatigalugit tulluurtutut isikkoqarnani.

Soorlu allanneqartoq inatsisit taakku marluk imminnut eqqaanartorujussuupput. Aningaasaqarnermut Sulisoqarnermullu Aqutsisoqarfiup ulluinnarni sulianik isumaginninneranut pingaaruteqarpoq tunniussinissat eqqarsaatigineqartut pillugit oqaloqatigiittoqarnissaa. Aningaasaqarnermut Sulisoqarnermullu Aqutsisoqarfik Naalakkersuisut sinnerlugit tassaa-voq pisortanut tunngasuni tamani Kalaallit Nunaannit isumaqatigiissutinut isumaqatigiinniartartuusooq aamma Namminersorlutik Oqartussani qitiusumik sulisutigut aqutsisutut oqartussaasoq. Sulisut sulisitsisullu eqqarsaatigalugit inatsisitigut isumannaatsuuneq pingaarnersaavoq, atorfinitsitsinernut ataasiakkaanut piumasaqaatit ilisimaneqartillugit aamma tamanut assigiissaarsimatillugit. Isumalluutit killeqartut periarfissaaneri eqqarsaatigalugit naleqquttutut nalilerneqarpoq maani nunami nammineq atorfinitsitatsinnut isumaqatigiissutinut maani pisortani sulisitsisut pingaarnerusumik isummersorsinnaappata.

Aningaasaqarnermut Sulisoqarnermullu Aqutsisoqarfiup nalunaarummik tigusaqartarnissaa-nik qulakkeerisumik suleriaaseqarnissaaq eqqarsaatigineqartariaqarpoq, taamaalilluni – pisuni pisariaqarfiusuni – akerliliisoqarsinnaalluni, takuuk. § 5. Tamatuminnga alaatsinaanngitsoorneq nalilerneqarpoq sulisut sulisitsisullu inatsisitigut inissisimanerannik ajorseriartitsissasoq, tassa peqataasunut atorfinitsitsinermi piumasaqaatit pillugit siunnersortissarsiornissaaq sapernarnerussamat.”

Peqqussummi § 5-imi piffissaliussat suleriaatsillu pillugit Aningaasaqarnermut Sulisoqarnermullu Aqutsisoqarfiup oqaaseqaataanut naleqqiullugu oqaaseqaatip siulianut akissummut innersuussisoqarpoq.



Sulisut inatsisitigut inissisimanagerat aamma atorfinitsitsinermi piumasaqaatinut tunngatillugu siunnersortissarsiorinissamut periarfissat pillugit ernumassutaasunut naleqqiullugu oqaatigineqassaaq kattuffinni sulisut isumaqatigiissutit pillugit siunnersuinissamut periarfissaqarmata. Peqqussummi maleruagassat sulisunut tiguneqartunut atorineqarnissaannut siunertaq tassaavoq sulisut pisinnaatitaaffiisa qulakkeerneqarnissaat, Kalaallit Nunaanni namminersorneq pillugu Kalaallit danskillu namminersorneq pillugu isumalioqatigiissitaasa isumaliutissiissutaanni kissaatit oqaatigineqartut naapertorlugit aamma Kalaallit Nunaanni Namminersorlutik Oqartussat suliassa qarfinnik tigusinerannut atatillugu sulisoqarnermut tunngasutigut apeqqutit aalajangersimasut pillugit inatsimmi siunertaq naapertorlugu.

Isumaqatigiissutaareersunik malinninnissamik akuersissuteqarnermut tunngatillugu erseqqissarneqassaaq, peqqussummi aaqqissuussinermi piffissaliussanik qaangiineq isumaqanngimmat Namminersorlutik Oqartussat isumaqatigiissutit pineqartut sulisuusut saniatigut allanut aamma atuuttussatut akuerigaat.

Soorlu nassuiaatinut nalinginnaasut aallartinneranni allaaserineqartoq Kalaallit Nunaanni namminersorneq pillugu Kalaallit danskillu namminersorneq pillugu isumalioqatigiissitaanni isummertoqareerpoq kissaatigineqartoq peqqussummut naapertuuttut maleruagassat Namminersorlutik Oqartussat suliassa qarfinnik tigusinerannut atatillugu sulisunut tiguneqartunut atortinneqartassasut.

Kalaallit Nunaanni Sulisitsisunit *”Inatsisartut peqqussutaanni 2008-meersumi § 1, imm. 2 malillugu takuneqarsinnaavoq: ”Pisortat aqutsiveqarnikkut oqartussaaffiinik nutaamik aaqqissuusseqqinnerit imaluunniit pisortat aqutsiveqarnikkut oqartussaaffiisa akornanni aqutsiveqarnikkut suliassartunik nuussinerit peqqussut malillugu tunisinerussanngillat.*

*Allannguutissatut siunnersuummi aalajangersarneqarpoq suliffeqarfinnik tunniussisoqarneranik inatsit pisortanit allaffissornikkut oqartussanik Danmarkimiit Kalaallit Nunaannut tunniussisoqarnerani atorineqassasoq, tamannalu § 1, imm. 2-mut akerliulluni. Taamaattumik kaammattuutigineqarpoq ”tuniserusannngillat” kingorna ”taamaattoq takuuk. imm. 5” ikkunneqassasoq”.*

Oqaaseqaat tusaatissatut tiguneqarpoq. § 1, imm.2-mi ersernerluttuliornissaq pinngitsoortinniarlugu ”tuniserusannngillat” kingorna taamaattoq takuuk. imm. 5” ikkunneqarpoq”.

Kalaallit Nunaanni Sulisitsisut ingerlaqqillutik allapput: *”Allannguutissatut siunnersuummi aalajangersarneqarpoq Inatsisartut peqqussutaat ”sulisoqarnermut tunngasuni apeqqutini” atorineqassasoq. Eqqornerpaassaaq oqaraanni allannguutissatut siunnersuut sulisoqarnermut tunngasuni apeqqutit atornagu ”sulisunut” atorineqarpat?”*

Kalaallit Nunaanni Sulisitsisut ilumoorpoq allannguutissatut siunnersuummi ”sulisut” atorneqarsinnaanerat pillugu oqaasertaliussaq atorneqarsinnaammat. Tamatuma assigiinnassavaa allannguutissatut siunnersuummi ”sulisoqarnermut tunngasuni apeqquut” atorneqarpat.

”Sulisunut” taarsiullugu oqaasertaliussap ”sulisoqarnermut tunngasuni apeqquutini” atorneqarneranut pissutaavoq Kalaallit Nunaanni Namminersorlutik Oqartussat suliasaqarfinnik tigusinerannut atatillugu sulisoqarnermut tunngasutigut apeqquutit aalajangersimasut pillugit inatsimmi taaguutit assingi atorneqarnissaat kissaatigineqarmat. Taaguutit assigiit atorneqarnerini taaguutitigut paatsiveeruttoqarsinnaanera pinngitsoortinneqarsinnaavoq, maleruagassani marlunni taaguutit assigiinngitsut atorneqarneri pissutigalugit.

AK aamma SIK tusarniaanermi assigiimmik akissuteqarsimapput.

AK aamma SIK ilaatigut oqaatigaat: ”...*inatsisissatut siunnersuummut tapersersuisinnaallutik, tassa Namminersorlutik Oqartussat suliasaqarfinnik sulisunillu Danmarkimiit tigusitillugit peqqussummi maleruagassanut atorfeqartut ilaatinneqarnerannik siunnersuut erseqqissaanermik imaqarmat.*”

AK SIK-uup oqaaseqaatai tusaatissatut tiguneqarput.

## Siunnersuummi aalajangersakkanut ataasiakkaanut nassuiaatit

### Nr. 1-imut

Peqqussummi § 1, imm. 2-mut ilassutigineqarluni ”*tuniserusangillat*” kingorna ”*taamaatoq takuuk imm. 5*” *ikkunneqarpoq*”. Ilassummi erseqqissaatigineqarpoq naak § 1, imm. 2-mi allaaserineqartutut peqqussut aallaaviatigut pisortani allaffissornikkut oqartussat akornanni tunniussinernut atorneqanngikkaluartoq, taava peqqussut Namminersorlutik Oqartussat suliasaqarfinnik tigusinerannut atatillugu sulisunik tunniussinermi atorneqarluni, soorlu § 1, imm. 5-imi allaaserineqartoq.

### Nr. 2-mut

Allannguutissatut siunnersuutip erseqqissarpaa inatsisartut peqqussutaat nr. 7, 5. december 2008-meersoq namminersorneq pillugu inatsit malillugu Namminersorlutik Oqartussat suliasaqarfinnik tigusinerannut atatillugu sulisunut tjenestemanditut atorfeqartitaanngitsunut Namminersorlutik Oqartussanit tiguneqartunut aamma atorneqartoq.

Allannguutissatut siunnersuummi taamaasilluni qularnaarneqarput sulisuusunut tjenestemandiunngitsunut pisinnaatitaaffiit, suliasaqarfinnik Namminersorlutik Oqartussat tigusinerannut atasut. Allannguullu ilaatigut isumaqarpoq suliffeqarfinnik tunniussisoqarnerani inatsimmi malittarisassat sulisuusunik imatut illersuisartut, suliasaqarfiup nuunneqarnerani sulisunik soraarsitsisinnaaneq pisortani tunngavigissallugu atorneqarsinnaanngitsoq, soraarsitsineq aningaasaqarnikkut teknikkikkut imaluunniit aaqqissuussaannikkut tunngaveqanngippat, sulisoqarnikkut allannguutinik kinguneqartussaq.